

Astudiaeth Achos



Horizon yn talu am gyfrifiaduron newydd ar gyfer Cyngor ar Bopeth Ynys Môn

Mae Horizon wedi rhoi arian i Gyngor ar Bopeth Ynys Môn i gefnogi eu gwaith parhaus ar draws Ynys Môn.

Dros y flwyddyn ddiwethaf mae Cyngor ar Bopeth Ynys Môn wedi helpu dros 13,000 o bobl i gael gafael ar gyngor cyfrinachol a diduedd am amrywiaeth o faterion, a hwnnw am ddim. Rŵan gyda chefnogaeth gan Horizon, bydd y tîm yn gallu prynu 10 o gyfrifiaduron newydd, er mwyn i wirfoddolwyr a staff allu parhau gyda'u gwaith ar draws Ynys Môn.

Cafodd cangen Caergybi'r rhodd ar ôl gwneud cais i gynllun Pŵer Niwclear Horizon ar gyfer Rhoddion Elusennol, Cymorth Cymunedol a Nawdd, sy'n rhoi cymorth ariannol i elusennau, prosiectau a grwpiau lleol.

Mae Cyngor ar Bopeth Ynys Môn yn rhedeg gwasanaeth ar draws yr ynys o ddydd Llun i ddydd Gwener ac mae'n dibynnu'n drwm ar systemau TG i gynnig gwybodaeth, arweiniad a hyfforddiant i'r rheini mae angen eu cefnogaeth arnynt. Wrth i'r gwasanaeth dyfu ac wrth i'r galw am y gefnogaeth gynyddu, roedd cael gafael ar gyfrifiaduron newydd yn flaenoriaeth uchel i'r elusen.

Mae'r prif faterion sy'n wynebu Cyngor ar Bopeth Ynys Môn yn ymwneud â thai, rheoli dyledion, cyngor ar fudd-daliadau, diweithdra ac iechyd a lles. Mae'r gwasanaeth yn cael ei ddarparu gan wirfoddolwyr sy'n rhoi o'u hamser a'u harbenigedd am ddim i helpu'r rheini y mae ei angen arnynt fwyaf, ond heb yr offer TG iawn, mae cynnig eu gwasanaethau'n dod yn fwy o her byth.

Dywedodd Jackie Blackwell, Prif Weithredwr Cyngor ar Bopeth Ynys Môn: "Rydyn ni wrth ein bodd gyda'r rhodd ac rydyn ni'n ddiolchgar iawn i Horizon am eu cefnogaeth.

Rydyn ni'n delio â'r oedolion mwyaf agored i niwed mewn cymdeithas a'n prif amcan ydy sicrhau bod pawb yn cael eu trin yn gyfartal, eu bod yn ymwybodol o'u hawlau a'u cyfrifoldebau a'u bod yn gallu mwynhau ansawdd bywyd"

"Yn ystod 2015/16 roedden ni wedi gweld 13,198 o gleientiaid naill ai wyneb yn wyneb neu drwy sgwrsio dros y ffôn neu dros y we. Bydd y systemau newydd yn golygu bod modd symleiddio ein prosesau a bod ein gwasanaethau'n gallu parhau i gefnogi'r rheini sydd yn yr angen mwyaf a galluogi Gwasanaeth Cyngor ar Bopeth i ymateb i'r dirwedd cyngor sy'n newid ac a ddaw yn fwy dyrys yn y dyfodol."

I ddysgu rhagor am Gyngor ar Bopeth Ynys Môn gallwch chi fynd i'w [gwefan](#) neu ddilyn eu cyfrif [Twitter](#) i gael yr wybodaeth ddiweddaraf. Os hoffech chi wybod mwy am y cymorth cymunedol mae Horizon yn ei gynnig a sut gallech chi wneud cais, ewch i www.horizonnuclearpower.com/cefnogir-gymuned.

